

Protocol no. 23
Sezzüda da lündeschdi, 26 gün 2012 – 19.30 – 00.30

Preschaints: Albert Mayer, Andri Poo, Men Caviezel, Dumeng Jann,
 Marianne Werro-Lehmann e Claudia Luppi (protocol)
 Andri Linsel pel protocol da la tractanda 173

Protocol

Il protocol no. 22 da la sezzüda da lündeschdi, 11 gün 2012 vain approvà.

167 620.506.02 Veicul cun pala idraulica
Cumprita dal veicul cun pala idraulica – Decisiun per
suottametter il credit da fr. 42'000.-- a la radunanza cumünala

Dal 2010 vess il cumün gnü la pussibilità da cumprar ün veicul cun pala idraulica d'ocasiun. La radunanza da büdschet da december 2010 ha però refusà la proposta da l'anterieur Cussagl cumünal da tour la cumprita dal vehicul aint il preventiv pel 2011. Causa cha'l vehicul d'eira in fuond necessari pel cumün è'l inseguit gnü tut a fit. Intant s'haja constattà cha'l vehicul fa fich bun serv pel cumün e chi füss opportun da far our dal contrat da fittanza ün contrat da cumprita. Il veicul cuostaiva da nouv fr. 129'800.-- e d'ocasiun uriuntamaing fr. 83'700.--. Nos manader tecnic Jon-Curdin Felix ha calculà il predsch da cumprita actual in resguardond ils fits fingià pajats pel vehicul sco eir ils fits da banca e l'imposta da plüvalur. Tenor quista calculaziun restess pel cumün amo da pajar ün import da fr.41'934.25 per pudair cumprar il veicul. Il Cussagl cumünal decida da suottametter a la radunanza dals 4 lügl 2012 il credit da fr. 42'000.-- per la cumprita dal veicul cun pala idraulica.

168 217.503.06 Sanaziun chasa da scoula
Sanaziun piazzas da scoula – Surdatta da lavur d'indschegner

Per la prüm'etappa da la sanaziun da la chasa da scoula, nomnadamaing la sanaziun da las piazzas da scoula, faja dabsögn da surdar tschertas incumbenzas ad ün büro d'indschegner. L'architecta incumbenzada cul proget ha trat aint las offertas. Il schef respunsabel per la chasa da scoula e pel proget da sanaziun Andri Poo preschainta las seguaintas offertas entradas:

<u>differenza</u>	<u>import</u>
➤ Büro d'indschegner Könz, Sent/Zernez	fr. 6'480.--
➤ Büro d'indsschegner A. Mayer, Sent	fr. 7'128.-- 10%

In assenza dal capo sco eir dal schef d'infrastructura Andri Poo sco persunas pertoccas in connex cullas offertas decida il Cussagl cumünal da surdar l'incumbenza al **Büro Könz, Sent/Zernez pel predsch net da fr. 6'480.-- incl IPV 8%** e cun tet da cuosts causa cha quist'offerta es economicamaing la plü favuraivla.

169 700

PROVEDIMAIN T D'AUA

Calculaziun da la rait da l'aua da baiver – Surdatta da lavur d'indschegner

Per pudair in avegnir optimar il squitsch ed il quantum d'aua illa rait da l'aua da baiver füssa bun d'avair avantman üna calculaziun da l'intera rait da l'aua da baiver da cumün chi serva sco basa per futuras investiziuns ill'infrastructura dal provedimaint d'aua. Il schef d'infrastructura preschainta las seguaintas trais offertas entradas per quista lavur d'indschegner:

	<u>import</u>	<u>differenza</u>
➤ Büro d'indschegner Straub AG, Cuaira	fr. 13'068.--	
➤ Büro d'indschegner A. Mayer, Sent	fr. 14'904.--	14%
➤ Büro d'indschegner Caprez AG, Scuol	fr. 15'676.--	20%

Il Cussagl cumünal decida, in assenza dal capo sco persuna pertocca in connex cullas offertas, da surdar l'incumbenza al büro d'indschegner **Straub AG, Cuaira pel predschnet da fr. 13'068.-- incl. IPV 8%** e cun tet da cuosts causa cha quist'offerta es economicamaing la plü favuravla.

170 810

ADMINISTRAZIUN FORESTALA

Cuors per dvantar instructor pel grü da sua (Seilkran)

Davart da l'uffizi da god chantunal es entrada la dumonda scha nos silvicultur Mario Riatsch vulesse far la scoulaziun sco instructor pel grü da sua. Sco instructor füss el ingaschè ün fin duos jadas l'on per dar cuors d'ün eivna. Pel temp cha'l silvicultur es absaint causa cuors po il cumün calcular cun l'idemnisaziun da la perdita dal guadagn davart l'institut da sgüranza sociala dal Chantun (SVA). Il Cussagl cumünal es da l'avis cha pel cumün da Sent füssa d'avantag scha nos silvicultur pudess muossar sù quista scoulaziun e decida perquai da conceder il permiss per far il cuors per dvantar instructor pel grü da sua.

171 830

TURISSEM

Punts penduossas Val Sinestra – Controlla da sgürezza

Als 15 gün 2012 ha gnü lö la controlla da sgürezza da las punts penduossas in Val Sinestra. A la controlla han tut part il capo Albert Mayer, il vicecapo Andri Poo, nos silvicultur Mario Riatsch ed il silvicultur Ernst Scherrer ch'id es spezialisà sün fabricats da quist gener. Tenor il rapport da sar Scherrer sun las punts actualmaing transiblas. El muossa però via sül fat cha las punts actualas saran fabricadas be per üna dürada d'ün fin maximal duos ons e ch'ellas stuvaran gnir rimplazzadas il prossem temp tras punts penduossas novas e stabilas. In occasiun da la controlla sun gnüts discus singuls adattamaints cha nos silvicultur ha amo da realisar fin il plü tard ils 5 lügl 2012. Implü es nos silvicultur in dovair da controllar periodicamaing ils differents elemaints da las punts. As basond sül rapport e süllas objecziuns fattas in occasiun da la visita oculara dan las quatter personas preschaintas a la controlla liber il transit da las punts a partir dals 16 gün 2012, quai sün racumandaziun dal specialist sar Ernst Scherrer, però sün respunsabilità dal cumün da Sent.

172

ORIENTAZIUNS

CSEB – Radunanza da rendaquint 2011

Il capo orientescha ch'el saja stat a la radunanza da rendaquint dal Center da sandà Engiadina Bassa e ch'el possa confermar chi saja gnü preschantà il rendaquint da tuot las differentas gestiuns dal CSEB da maniera fich professiunala e transparenta.

In occasiun da la radunanza esa gnü orientà davart la problematica cha'l meidi da Samignun ha ün servezzan permanent sainza temp liber reglà. Sco soluziun dal problem vezzess il CSEB ün eventuala integraziun dal "Medicenter" Samignun sco ulteriura gestiun dal CSEB chi pussibilitess eventualmaing barats da servezzans sco eir ün augmaint dal personal illa pratcha da meidi da Samignun.

Betreute Ferien in Sent

Il schef da vias champestras orientescha cha duonna Brigitte Schnetzler chi maina l'instituziun "Betreute Ferien in Sent" haja sün giavüsch pudü cumprar üna vignetta per las vias champestras transferibla sün differents veiculs. Il motiv es cha l'instituziun sto esser flexibla culs veiculs tuot tenor il quantum glied chi vain transportada e tuot tenor lur bsögn causa ils impedimaints da lur giasts.

TESSVM - Workshop turistic "Re-Invent Summer"

La scheffa da turissem rapporta d'üna dietta chi vaiva sco tema la reviatlisaziun dal turissem da stà a man d'ün concept d'inspiraziun elavurà da l'anteriur directer da l'ESTAG Martin Nydegger chi prova da dar tsherts impuls per sportas attractivas da stà.

IG Turissem

La scheffa da turissem rapporta da la sezzüda da l'IG Turissem dals cumüns da Susch fin Martina e Val Müstair fuondada dal 2001. In quist gremi vain regularmaing orientà sur da novas sportas turisticas i'ls cumüns. Prosmamaing esa previs da stampar per mincha cumün üna broschüra turistica nouva cullas sportas individualas dals cumüns, ma cun ün layout cumünaivel.

Gurlaina SA

La scheffa da sport e temp liber, Marianne Werro, rapporta da la radunanza generala da la Gurlaina SA chi ha elet a nosa cusgliera i'l cussagl administrativ. Il Cussagl cumünal gratulescha a Marianne Werro per l'elecziun.

ESTAG

La scheffa da turissem rapporta da la radunanza generala da l'ESTAG illa quala es gnü manzunà cha'l turissem haja da far gronds sforzs per generar giasts in quist temp difficil sül marchà da turissem. Tenor il president da l'ESTAG, sar Christian Rainer, ha nosa regiun üna schanza cun valurs sco autenticità, regionalità e qualità.

173 020

ADMINISTRAZIUN CUMÜNALA **Tensiuns e desdittas**

In assenza da l'actuara sco persuna pertoca e protocolà dal president da la cumischiun sindicatoria vain discus sur da las tensiuns da l'ultim temp ill'administraziun cumünala e sur da las desdittas entradas.

L'actuara: